

Festival Himno y Bandera dedica na Bernadina Grovell

ORANJESTAD(AAN):

Nos ta den ultimo fase di celebracion di carnaval 47 cu lo priminti di bira sumamente grandi y lo pasa pa historia cu kimamento di Rev Momo Diamars 27 di februari.

Compositornan, areglis-tanan, cantantenan, musiconan a hunga un rol importante den nos carnaval tre-ciendo varios di e cancionnan pa e ambiente musical den carnaval.

Varios compositor y cantante a cuminza prepara caba pa festival Un Canto pa Nos Himno y Bandera cu ta un festival cu a haya su lugar riba su baranca tan stima Aruba. E di seis festival lo tuma lugar Diasabra 10 di maart 2001 pa 8 or anochi.

E aña aki e festival Un Canto pa Nos himno y Bandera lo ser dedica na Mama di cultura y Folklore Arubano Sra. Bernadina Grovell kende ta un persona cu no mester di mucho introduccion ya cu pueblo di Aruba sa cu su contribucion musical pa e baranca aki, nos cultural, folklore, papiamiento y historia musical ta hopi grandi.

Un palabra di danki y alavez pabien na Sra. Bernadina Grovell cu e honor grandi aki.

E aña aki lo ta un grandi pa historia di Aruba debi cu nos lo celebra 25 aña di nos himno y bandera.

Comision organizador di e festival Un Canto pa Nos Himno y Bandera ta recorda tur participante cu ta un festival di compositor y e premio maximo lo ta di 2000 florin, sigui pa di dos premio cu ta 750 florin, di tres premio 500 florin y varios otro premio cu trofeo di reconocimiento.

Ultimo dia pa registra uy alavez lo numera e partici-

pantenan lo ta diadomingo 4 di maart.